

ԿԱՐԱՊԵՏ ԵԶՅԱՆԻ ՆԱՄԱԿՆԵՐԸ ՀՈՎՀԱՆՆԵՍ ՄԿՐՅԱՆԻՆ

Ստորև որոշ կրճատումներով հրապարակում ենք հայազեռ Կարապետ Եղյանի (1835—1905) նամակները Կ. Պոլսի պատրիարքի փոխանորդ, բանաստեղծ և բանասեր Հովհաննես Մկրյանին (1831—1909)։ Դրանք արժարժուած են Մկրտիչ Խրիմյանի կաթողիկոս ընտրվելու հետ կապված մի շարք հարցեր, ինչպես նաև դպալի տեղեկություններ են պարունակում անցյալ դարավերջի հայ հասարակական կյանքի մասին։ Նամակներում որոշակի դրսևորում են գտել հեղինակի ազգային-պահպանողական մտածելակերպն ու հայացքները։ Խնդրո առարկա նամակները պահվում են Ե. Չարենցի անվան գրականության և արվեստի թանգարանում (Թորոս Ազատյանի ֆոնդ, բաժին XXXII, № 2233—2237, 2242, 2251)։

ՎԱՐԱՋԴԱՏ ՎԱՐԴԱՆՑԱՆ
ԱՐՏԱՇԵՍ ԵԱՀՆԱԶԱՐՑԱՆ

1

12/24 հունիսի, 1892
autiche Bad Castun

Արժանապատիվ հայր.

Հիվանդությունիցս կատարելապես բուժվելու համար, բժիշկների խորհրդով, ահա մի ամիս է, որ կթափառում տար աշխարհում՝ մի ամսի շափ Carlsbad-ում ջուրեր կխմեի, իսկ այժմ այստեղ եմ իբրև թե լեռնային օդը ծծելով և բաղանիք ընդունելով պիտի կազդուրվեմ. տեսնինք, ինչ Աստված, բայց հուսով եմ՝ նորա ողորմածությամբ, հուլիսի 10-ին կվերադառնամ բնակավայրս՝ Պետերբուրգ։ Այս թափառական կենցաղս արգելք եղավ ինձ մինչ ցարդ պատասխանել ապրիլի 21-ի գրած Ձեր պատասխան նամակին։ Դեռ Պետերբուրգ էի, երբ հասան ինձ սուրբ էջմիածնից ավետաբեր հեռագիրներ Խրիմյան սրբազանի միաձայն ընտրության մասին Աթոռ հայրապետության Հայաստանյալց եկեղեցվո. երկար տարիներից հետո վիճակվեցավ սրբազանին իրավամբ կոչել Ամենայն Հայոց Կաթողիկոս. այդ կոչումը յուր բնական նշանակությունը ստացավ։ Զարմանալի է մեզ բանը. մենք միշտ ի վնաս մեզ ենք գործում, բայց նախախնամության մատը կա, որ մեզ առաջնորդում է մեր կամքի հակառակ։

1828—30 թթ. պարսկական պատերազմից հետո ոռւս տերությունը գրեթե 20 տարի շարունակ յուր ամենայն ճիգ ... կթափեր, որպեսզի տաճկաստանցի հայեր ճանաչին Մայր աթոռի իրավասությունը. ազգի առաջնորդը և մեծամեծք պարագլուխ ունենալով ժամանակի պատրիարքներ, ընդդիմառում էին մինչև Մատթեոս սրբազանի պատրիարքությունը, որ լուկ իբրև սկզբունք ընդունեց այդ իրավասությունը։ Անցան տարիներ. Ներսես կաթողիկոսի՝ մահից հետո նույն տերությունը այդ կապը ավելի ամրացնելու համար առաջարկեց, որ կաթողիկոսը Տաճկաստանի բարձրաստիճան եկեղեցականներից ընտրված լինի (այդ միտքը կպատկաներ մի ազգասեր և հեռատես հայի՝ բժիշկ Գևորգ Ախվերդյանցին², նորա շնորհիվ և ազդեցությամբ սեփականեց և գործադրեց տերությունը) ազգը անտարբեր էր և գրեթե առանց նորա գիտության, տաճկահայերին Մատթեոսից³ ազատելու համար ընտրվեցավ նա կաթողիկոս. Գևորգ կաթողիկոսի⁴ ընտրությունը, սահմանադրականի լինելու պատճառով, ուրիշ կերպ էր, բայց, այնուամենայնիվ, նա ընտրվեցավ միայն պոլսեցիներից կամ իսկապես Պոլսո ժողովրդի այն անվստահելի անհատների ձայներով, որոնց բոս մեծի մասին ընդհանուր ժողովը կկազմին։ Բայց ընտրության այդ եղա-

նակաները վտանգալից էին, նոքա կարող էին խաղալիք դարձնել Մայր աթոռը, ընդհանուր ժողովի ձեռքով դժվար չէր որևէ տերության համար հարկ եղած ժամանակը ուղած անձը ընտրել տալ, շատերի համար մտատանջության նյութ էր դարձել այդ հարցը. ահա այդ միջոցին և տերությունը պահանջեց, որ Տաճկաստանի բոլոր վիճակները (Հայաստանը) յուրյանց հոգևորական և աշխարհական պատգամավորներով Իջման տաճարի մեջ մասնակցեն Ամենայն Հայոց հայրապետի ընտրության. պոլսեցիքը ընդդիմացան որովհետև նոցա համար Հայաստան չկա, այլ կա միայն Պոլիս կամ որ նույն է աղդ չկա, բայց կան միայն առանց հոգի, առանց հայրենիքի հայ դավանություն ունեցող անհատներ, հրեաների նման: Փառք աստծու, օտարի ուժով մենք ձեռք բերինք մեր կորսված իրավունքը, այսուհետև պետք է պինդ բռնինք: Տաճկաստանցի ազգայինքը արդարև մեծ գործ կատարեցին և մեծ ծառայություն մատուցեցին: Նոքա իրենց ներկայությամբ քանդեցին լարված որոգայթը, ապարդյուն կացուցեցին նենգ ու պատրի միջոցները: Բայց մի մտք ինձ կղբաղեցնե, թե յուրյանց ձայնը Հայրիկին տալով արդյոք նոքա ի նկատի ունեին նորա ուժը բառնալ այդ ծանր լուծը, նորա կարողությունը վարիլ եկեղեցվո նավը այդ մրբրկալից ժամանակը, թե կամեին միայն սփոփել այդ պատվական մարդու վրջտացած սիրտը և ազատել նորան աքսորանքից⁵: Ձեզ ավելի հայտնի կլինի, իսկ մեզ վերջը ցույց կտա: Ինչևիցե, բայց նոր կաթողիկոսի վիճակը շատ ծանր կլինի էջմիածնա մեջ, շրջապատված շարակամ և կեղծավոր խորհրդակիցներով և ինքը անտեղյակ հանգամանքներին, տիրող օրենքներին և կարգ ու կանոններին: Որդիական անկեղծությամբ գրեցի Ձեզ, շնորհակալ կլինեմ, եթե սխալ մտածմունքս ուղղեք Ձեր նամակով: Համենայն դեպս ազգը երախտապարտ պետք է լինի սրբազան պատրիարքին և նորա այդ ծառայությունը անմոռանալի դրոշմված կմնա պատմության մեջ:

Արդեն քանի ամիս անցած է, ինչ որ ուղարկել էի պատրիարքարան Սանասարյան վարժարանի կանոնադրությունը ի գործադրություն, բայց մինչ ցարդ ոչ մի լուր, ոչ մի պատասխան չունիմ, այնինչ գործը կարևոր է և պետք է օր առաջ տեղական հոգաբարձություն կազմել և ապա մտածել, թե՞ անշարժ կայք գնելու մասին և թե տոկոսաբեր թղթեր գետեղելու, որովհետև երեք տարուց հետո կտակի իրավասությունը կկորցնենք, նաև մահ կարող է պատահել և գործը կիսակատար կմնա. ուրեմն գործենք, քանի որ ժամանակս ի ձեռս մեր է. կաղաչեմ Ձեզ, արժանապատիվ հայր, թախանձանանք խնդրել մեր պատվական և վսեմապատիվ բարեկամին Գաբրիել էֆ. Նորատունկյանին⁶, որ զարկ տա այդ գործին և նվիրե նորան իր խոհանուր լուսաբերությունը, ընդամին հայտնել նորան և իր պատկառելի ամուսնուն խոնարհ մեծաբանքս. եթե բարվոք նա դատե խնդրեմ խոսակցեք և սրբազան պատրիարքի հետ, որպեսզի այդ ազգանվեր հաստատությունը իր վերջնական կազմակերպությունը ստանա և կանոնավոր ընթացքը ունենա: Խնդրեմ ներփակյալ նամակը հանձնել ըստ պատկանելույն:

Խորին անկեղծությամբ մնամ Ձեր աղոթից ապաստան

Կար. Եզյան

2

3 փետրվարի, 1893

Պ. Բուրդ

Արժանապատիվ հայր

Ձեր պատասխան գրությունը դեկտեմ. 19-են գրած անկորուստ ստացա. սույն գրությամբ սրբազան պատրիարքի հանձնարարությամբ կխնդրեի երեք հետևյալ հարցմանաց պատասխան տալ խորհրդաբար.

ա. կա՞ մի վտանգ բեկանելու հղած ընտրությունը,

բ. ի՞նչ միջոց պետք է գործ դնեն երկուց աշխարհաց ժողովուրդը, որ չլինի այդ մեծ անպատեհությունն,

և գ. ի՞նչ պետք է անել, որ հայրապետի ուղևորությունն այլևս չհապաղե:

Այդ կարևոր հարցերի ըստ կարելույն հեշտ պատասխան տալու համար հարկ համարեցի պաշտոնական աղբյուրներե տեղեկություն ժողովել, թե՞ այստեղ, թե ի Պոլիս, այսու պատճառով պատասխանն հապաղեցավ. կհուսամ, թե սրբազան պատրիարքը և դուք, արժանապատիվ հայր, ներողամիտ կլինե՞ք: Ինչպես Ձեզ հայտնի է, կայսր՝ վավերացրեց ընտրությունը, կայսերական հրովարտակը պատրաստ է արդեն օգոստոս ամսից և առհասարակ պաշտոնական շրջանների մեջ մեծ համակրությունը կվերաբերվին նորընտիր կաթողիկոսին: Արգելք և դժվարությունք առաջ կգան Բ դռնեն. սուլթանը, ինչպես ինձ դեպականատունեն² կգրեն, երկյուղ կկրե արձակել Խրիմյան հայրիկին, և այլ և այլ «չարամիտ» խոչընդոտներ առաջ կբերե, բայց վերջապես ստիպված կլինի խոնարհիլ պահանջման առջև:—Ահա իրաց այժմյան վիճակը, ուստի կարելի է մակաբերել, թե ընտրության բեկանելու վտանգը չկա: Թե սինդոն, թե ս. էջմիածնի և թե մասնավոր անհատներ քանիցս դիմած են տեղվույս կառավարության, միշտ պատասխանը նույն է, թե կայսր վավերացրեց ընտրությունը, թե սուլթանը դժվարությունք կհանե և թե կհուսացվի, որ շուտ ի բարին կվերջանա: Մեր թույլ ուժերով որչափ հնարավոր է կաշխատենք: Մի քանի օր առաջ գրեցի դեպականության ազդեցիկ պաշտոնյայի մեկին ընդարձակ նամակ, ուր բացատրեցի այդ հապաղման վնասը թե՞ ներկա, և թե ապագա ուսաց քաղաքականության համար, մասնավանդ որ սուլթանը Բեռլինի դաշնագրության³ հիման վրա իրավունք էլ չունի միջամտել քրիստոնյա իր հպատակների այդպիսի կրոնական խնդիրների մեջ: Եթե այլևս անելու բան ունենե՞ք՝ հրամայեցե՞ք՝ ահավասիկ կանք: Կարծեմ Տաճկաստանի հայերը ևս պետք է մի քիչ շարժեն և իրենց կողմից ճնշում անեն: Տիրասիրությունը և հպատակությունը լավ հատկություններ են, բայց ինչպես ամեն բան, յուրյանց չափ և սահմանը պետք է ունենան. պետք է հիշեցնել, թե հայոց ազգը իսպառուհույալ չէ, դիպկ չէ և թե կան նորա համար սուրբ բաներ, որոնց ձեռնամերձ լինիլ կարելի չէ, ազգը պահպան կանգնած է: Ի՞նչ և ինչպե՞ս պետք է անել կարող չեմ ասել. այդ տեղական հանգամանքներից կախում ունի, բայց մի բան անել պետք է: Կարծեմ օգտավետ կլինի հարաբերությանց մեջ մտնել ռ[ուսաց] դեպականատան հետ և համերաշխ գործել, քանի որ նպատակը մի է:

Այլևս խոնարհաբար կխնդրիմ Ձեզ իմ կողմանե աղաչել պատրիարքին իր հայրագութ ուղադրությունը շնորհիվ Սանասարյան վարժարանին: Ըստ Սանասարյան կտակիս եթե մահվանից 5 տարվա ընթացքում անշարժ կալվածք չգնվի հանուն վարժարանի, դրամագլուխը պետք է մնա ընդմիշտ տոկոսաբեր թղթերի մեջ (հոգ. 7 դ.), որ բնավ ցանկալի չէ: Այնինչ ցայսօր խնամակալությունը դեռ քայլ արած չունի այդ իրավունքը տերությունից ստանալու, թեև շուտով Սանասարյանի մահից հետո երեք տարի կլրանա, դոնե ինձ հայտնի չէ, նաև չգիտեմ, թե վարժարանի կանոնադրության 24 հոդ. համաձայն խնամակալությունը նիստեր ունենում է արդյո՞ք, դոնե հոկտեմբերի 3-ի գրած նամակիս դեռ պատասխան չունիմ... Սրբազան պատրիարքը շատ բարիք արած է վարժարանին, թող ամբողջացնե յուր այդ գործ՝ հաճուն վաճառանի կալված գեելու իրավունքը ձեռ բերելով: Խնդրում եմ սիրալիկ և կարոտալի ողջույն հայտնել Գաբրիել էֆ. և նորա պատվարժան ամուսնուն: Ցավ ի սիրտ պետք է խոստովանիմ, թե մոռացել է ինձ և երկտողիվ անգամ չի մխիթարում. հոգ չէ, կհամբերենք և կշարունակենք նույն սերը տածիլ, բայց դոնե անտես չանե Ս. վարժարանը և իր կարող ուժերով նպաստե ապահովել նորան բարեկարգ վարչությամբ և բարվոք տնօրինությամբ նորա դրամական միջոցներին:

Մնամ արժանապատիվ հայր, Ձեր աղոթից ապաստան խոնարհ որդի
Կար. Եղյան

Արժանապատիվ հայր.

...Ձեր պատվական գրությունը փետրվարի 14-են գրած ստանալուց հետո, անմիջապես գնացի արտաքին գործոց նախարարին և թե՛ խոսքով, և թե՛ առանձին տեղեկագրով բացատրել աշխատեցի կաթողիկոսական խնդրի կարևորությունը, և թե՛ այդ խնդրո ալթմյան վիճակը, որ աստիճան տխուր և վհատեցուցիչ տպավորություն կգործե ոչ միայն Տաճկաստանի հայերի վրա, այլև ամբողջ քրիստոնյաների վրա և կնսեմացնե ուրախացող կառավարության տգեղեցությունը և պատվո հարգը։ Նախարարը պատասխանեց, թե նա միանգամայն նույն կարևորություն և նշանակություն է տալիս այդ խնդրո, բայց սուլթանը իրիմյան սրբազան կնկատե իբրև յուր անձնական թշնամի, և ամեն կերպ դիմադրություն կանե, բայց մենք, ասաց, դարձյալ կպնդենք։ Ասացի լսել եմ, թե սուլթանը կայսեր պիտի գրե, ինչպես դուք հաղորդած էիք, պատասխանեց, թե կայսերը այդպիսի գիր չի ընդունիլ և խոստացավ ներկայացրած տեղեկագիրն դեսպանին ուղարկել։ Կարծեմ սրբազան պատրիարքը կարող էր ստեպ-ստեպ դեսպանի անդուլ ուղադրությունը հրավիրել այդ խնդրո վրա, իսկ մյուս կողմանե իբրև ազգի գլուխ և տերության շահերին նախանձախնդիր, տերության աչքը բացել և բացատրել, թե ամեն տեղ տիրող բռնությունը՝ բանտարկությունը, խուլարկությունը, ճնշումներ, աղքատություն և վերջապես սով անտանելի են դարձնում ժողովրդի վիճակը և ամեն վայրկյան անսպասելի կերպով կարող են նոր քաղաքական դժվարությունք առաջ բերել։ Կաթողիկոսական խնդիրն էս, որ ոչ սակավ վիրավորել կրոնական ժողովրդի սիրտը, մեծապես կնպաստե այդ հուղման։ Իհարկե ապստամբական հուզմունք բնավ ցանկալի չեն, բայց հնազանդությունը և տիրապիտությունը յուր չափը և սահմանը պետք է ունենա։ Միշտ տեղի տալ և երբեք չըողոքել, նորանոր բռնությունների առիթ կարող է տալ։ Շատ վտանգալից են ներկայանում ինձ նոր տնօրինությունքը դպրոցների մասին. մանավանդ ինչի՞՞ Մաարիֆը ավագ երեցների հետ պետք է բանակցի, այլ ազգի առաջնորդների. եթե դպրոցներն էլ կործանեն, ուր ապաստանենք։ Փառք աստծո, սրբազան պատրիարքը ամենայն ձիւրբերով օժտված է. ազգի և իր ապագան աչքի առաջ ունենալով պետք է գործի անվեհեր. հուսահատվելու իրավունք չկա։

Ձեր ձեռքով ուղարկված ծրարը կպարունակեր իր մեջ գրքերի ցուցակ, բայց նամակ մեջը չկար և մինչև այժմ էլ Գաբրիել է՛ք. նորատունկյանից նամակ չեմ ստացել։ Կարծեմ նորա վերադառնալու ժամանակը մոտեցել է, խընդրեմ նորան հարգանք ողջունյա մատուցանել։ Ուրախ եմ, որ իրիմյանցի հանձնաժողովը՝ վերահաստատվել է իր պաշտոնի մեջ։ Նորայրին՝ նշանակած 1000 ֆր. մասին սպասեցեք որևէ տնօրինություն անել, մինչև որ կգրեմ այդ մասին։

Սրբազան պատրիարքի աջը ակնաժողովյամբ կհամբուրեմ և կմաղթեմ, որ Աստված պարգևե նորան երկար և արթուն հովություն և կարողություն առաջնորդել իր ժողովուրդը դեպ ի բարին։

Մնամ արժանապատիվ հայր. Ձեր աղոթից ապաստան. Կար. Նղյան

Արժանապատիվ հայր.

Օրաթերթերի մեջ տպած հեռագիրը ավետեց մեզ, թե սուլթանը հարկադրվեցավ վերջապես զիջանիլ և յուր հոժարությունը հայտնիլ նորընտիր կաթողիկոսի գալուն և յուր աթոռի վրա բազմելուն, միայն առանց հանդիսավոր ընդունելության։ Պաշտոնական աղբյուրներից տեղեկացա, որ այդ ճիշտ է և թե հրատարակելուց առաջ պետք է որոշվին նորան դիմավորության և այլ հանգամանքները, ապա պիտի հրատարակվի։ Ես կուզեի հեռագրով շնորհա-

վորել կաթողիկոսին, բայց խորհուրդ տվին սպասել մինչև բանագնացությանց վերջը: Ուրեմն փառք աստուծո, որ այդպես վերջացավ, բայց ըստ իս դեռ բոլոր վտանգները չվերացան, որովհետև եթե սուլթանը և տաճկաց կառավարությունը այդպես պիտի վերաբերի դեպի Ամենայն Հայոց կաթողիկոսը և գրեթե չպետք է նորան ճանաչել, ապա ուրեմն նա ինչպե՞ս պետք է յուր իրավասությունը դործ դնե նորա տերություն սահմանների մեջ: Արդյոք այդ իրողություն մեջ չկա պատճառ կամ առիթ երկյուղ կրելու, թե այսպիսով պիտի նվազե, թուլանա, գուցե իսպառ վերանա Տաճկաստանի հայոց կապը Մայր աթոռի հետ, որը մեծամեծ շարիք կարող է բերել մեր եկեղեցուն: Մենք հրճվում էինք, ուրախանում էինք, որ Տաճկաստանի հայերը մասնակցեցին ընտրության, ուրախանում էինք, որ այսպիսով այդ կապը պետք է ամրապնդվի և մեր ազգը մի հոտ և մի հովիվ պիտի լինի և նորոնտի որ հայրապետը երկար տարիներից հետո իրավամբ Ամենայն Հայոց կաթողիկոս կոչվելուն իրավունք պիտի ունենա, բայց աստված մի արասցե, որ այդ առաջինը վերջինը լինի, ուստի պետք է մտածել և առաջն առնել: Մի՞թե Պոլսո հայերը և նորանց հոգևորականությունը այն աստիճան... ստրկության են հասել, որ պիտի չպատվին յուրյանց կաթողիկոսին: Մի՞թե դրա համար հրաման է հարկավոր և մի՞թե այդպիսի արգելող հրամանը կարելի է կատարել և վերջապես, եթե չկատարեն և փառավոր ընդունելություն անեն որպես միշտ ընդունել են, տերությունը ի՞նչ պետք է անե, քանի որ միայն յուրյանց կաթողիկոսին են պատիվ տալիս: Դա զգացմունքի արտահայտություն է, դորանով նրանք տերության դեմ չեն գնում: Իմ կարծիքով պետք է ամենափառավոր կերպով ընդունին, թող տաճկի և այլ տերությունք տեսնեն և իմանան, թե հայերը ջերմեռանդ են դեպի յուրյանց եկեղեցին, թե նորա պատվում պաշտում են յուրյանց հայրապետին: Այդ մեր ուշոն է. թող իմանան, որ այդպիսի հրամաններ տալ կարելի չէ, որ նորանք չեն կատարվի: Այդ մի ընդդիմություն կլինի, բայց որի համար պատժել կարելի չէ և որը ամենի աչքում իրավացի է: Նաև ես կարծում եմ, որ գալուց հետո կաթողիկոսը պետք է պատրիարքի կամ դեսպանի միջոցով կամ մի այլ կերպ պահանջե, որ սուլթանը նորան ընդունե, նա պետք է ընդունե ոչ թե խրիմյանին, այլ կաթողիկոսին և ընդունելության ժամանակ անվեհեր և բացարձակ հայտեն սուլթանին, թե հայր միշտ հնազանդ կմնա կառավարության և հավատարիմ, եթե ձեռնամերձ չլինին նորա եկեղեցուն, դպրոցներին և բարեպաշտ հաստատություններին, իսկ եթե եկեղեցուն և այդ հաստատությանց, որոնց միշտ հարգել են սուլթանի նախորդները, պետք է ձեռնամերձ լինին, այն ժամանակ նա կըողոքե, բացարձակ կդիմադրե...: Իբրև կրոնավոր նա սուլթանի առաջ սուտ խոսել չէ կարող և անկեղծորեն կհայտեն յուր կարծիքը: Ծն համողված եմ, որ այդ տեսակ խոսքերը կարող են տպավորություն գործել: Զիջանել և տեղի տալ, նշանակում է իր պատիվը չճանաչել և պահանջները խստացնել:

Կաթողիկոսի վիճակը ոչ միայն Պոլսում, այլև էջմիածնա մեջ ծանր կլինի իրեն անժանոթ պայմանների և մարդկանց մեջ, ուստի ցանկալի է, որ նորան մի բանիբուր և խոհակա՛ն եկեղեցական ուղեկցեր. ես խորհուրդ կտալի նմանապես, որ էջմիածին հրավիրե Պետրոս Սիմոնյանցին¹ և նահապետ վարդապետին², որոնք հանգամանքներին հմուտ և խոհեմ անձինք են:

Էջմիածնա սինոդը ինձ թույլ չտվեց մահաբժան կանգնեցնել Սանասարյանի շիրիմի վերա գմբեթաձև, այդ մերժումը խիստ սնտոի պատճառներով էր, ես չկամեցա նորանց հետ այդ մասին բանակցել և թողի մինչև կաթողիկոսի գալը, ուստի, երբ որ կաթողիկոսը Թիֆլիս հասնե, կտակակատար պ. Գ. Ծվանգուլյանը³ իմ աղերսագիրս կներկայացնե արձանի պատկերով հանդերձ վեհափառին. հուռով եմ, որ նա անմիջապես կտնօրինե:

Զեղնից շունիմ իմ վերջին նամակիս պատասխանը: Ծն Զեղ խնդրել էի հայտնել, թե ինչպես պետք է հասկանալ դպրոցների նկատմամբ եղած տնօրինությունը և ինչպես եղավ, որ պատրիարքը հանձնառու եղավ հնազանդել այդ օրենքին: Իմ կարծիքով զիջողությունը և հնազանդությունը եկեղեցու ցանկի առաջ պիտի կանգ առնին. մեր նախնիքը մեզ այդպես են ավանդել և այդ

ավանդը պահպանել են հանգուցյալ Գևորգ և Մակար՝ կաթողիկոսները, այդ թող ամենքը իմանան:

Կհուսամ, որ շնորհ կանեք ինձ պատասխանելու: Զգիտեմ արդյո՞ք վերադարձել է Եվրոպային մեր բարեկամը՞ և ողջաոողջ է, գիտեմ միայն, որ մեղ իսպառ մտքից հանել է և երկտողիվ անգամ մխիթարել չէ ցանկանում. իր բանն է:

Ձեր աղոթից ապաստան, խոնարհ որդի՝ Կար. Եղյան

5

25 հունիսի, 1893

Ս. Պ. Բուրդ

Արժանապատիվ հայր.

Ստացա Ձեր հունիս 8/20 գրած նամակը, որին և շտապում եմ պատասխանել:

Որքան Բարձրագույն դուռը վեհափառ կաթողիկոսի հպատակությունից ազատելու գործը ձգձգեց, այնուամենայնիվ, խիստ ուրախալի է, որ վերջապես ցանկալի վախճանով պսակվեցավ մեր ամենիս իղձը: Ինչ վերաբերում է վեհափառ հայրապետի էջմիածին ուղևորվելուն, որ փոխանակ Կ. Պոլսի, այժմ Տրիեստի վրայով պիտի անցնե, այդ զարմանալի փոփոխություն չէ, քանի որ սուլթանը հավատացած պիտի լինեք, որ որքան էլ ույժ ու բռնություն գործ դնեք արգելելու հայ ժողովրդին իր հարգանաց ցույցը անելու սիրած հայրապետին, այնուամենայնիվ զգացմունքի հուրը պիտի բռնկեք, առ ժամանակ մոռցրենք տար կրոնասեր ու հնազանդ ժողովրդին տերություն ահ ու սարսափը և նորանք պատշաճավոր ընդունելությամբ իրենց որդիական հարգանքը պիտ մատուցանեին: Հենց այս նախազգացումն է եղել սուլթանի զգաստացման գլխավոր պատճառը:

Գուց գրում եք, որ թերևս սուլթանը շնույլատրե եկեղեցիներում նորոնտի ճայրապետի անունը հիշել և նորա կոնդակը կարգալ: Մի՞թե կարելի է մինչ այդ աստիճան համբերել: Հայրապետի անունը եկեղեցիներում հիշելը մեզ համար մի օրենք է, որը անխախտ կատարվել է դարեր շարունակ և նվիրագործվել է, նույնպես և կոնդակ կարդալը:

Երբ աստուծով վեհափառ կաթողիկոսը կժամանե ս. էջմիածին և կստացվի սինոդի հրամանը, այն ժամանակ անմիջապես պետք է հիշել հայրապետի անունը ս. պատարագի ժամանակ առանց թուլլատվություն խնդրելու: Իս փորձառությունից գիտեմ, որ շատ անգամ ոչ միայն Տաճկաստանում, այլև ալլուր, երբ որ մի բան առանց թուլլատվության է կատարվում, առանց նկատողության և արգելքի անցնում է, այնինչ եթե հրամանի կամ թուլլատվության դիմեն՝ դժվարությունը և նույնիսկ արգելք առաջ կուգան, իսկ այդ արգելքը մեծ և անբուժելի հարված կտա մեր եկեղեցական միության և Մայր աթոռի իրավանց: Գուցե հարկ կա նախապես բանակցել ռուսաց ղեսպանի հետ, որովհետև էջմիածնի ռուսաց սահմանը անցնելուց հետո, ռուսաց տերությունը շարունակ, երեսուն թվականներից սկսած մինչև հիսնական թվականները 20 տարվա ընթացքում ամենայն ճիգ թափեց էջմիածնի աթոռի այդ իրավունքը ընդունել տալու: հետևաբար չպետք է հոժարի թուլլ տալ կամ կորցնել այդ իրավունքը: Իսկ եթե կամենաք թուլլատվություն խնդրել, հենց դորանով կսուռավարությանը առիթ կտաք կասկածելու և արգելելու:

Սուլթանը ազատելով իր հպատակությունից վեհափառ կաթողիկոսին՝ կամա թե ակամա ընդունել է նորա օրինավոր պաշտոնական ընտրությունը, ապա ուրեմն, եթե նա իբրև կաթողիկոս թուլլ է տվել իրիմյանին, լույսայն ընդունել է և այն ամենը, որոնք անմիջապես կապ ունեն կաթողիկոսի անվան հետ: Մի խոսքով, իմ խորհուրդս է հայրապետի կոնդակը ստանալուն պես պատշաճավոր շուքով և ծնկաչոք կարդալ եկեղեցիներում և հիշել անունը պատարագի ժամանակ:

Առայժմ ոչ մի խորհուրդ չունիմ տալու, քանի որ դեռևս վեհափառ հայրապետին հարկավոր է ամենից առաջ ծանոթանալ վանքի ներքին և արտաքին գործոց դրուժյան հետ, ուստի և լավ կլիներ, եթե Թիֆլիզ հասնելուն պես իրեն մոտեցնեիր Արգար Հովհաննիսյանին² և Գեորգ Եվանգուլյանին, առանց նորանց հակառակորդներին լսելու, իսկ էջմիածին հասնելով հրավիրեիր յուր մոտ Պետրոս Սիմոնյանցին և Նահապետ արեղա Նահապետյանցին, որոնք իրենց ուշիմ խորհուրդներով օգտակար կլինին վեհափառի ձեռնարկելիք գործերի մեջ:

Կարապետ Կոստանյանը³ կհանդիպե վեհափառին Օդեսայում կամ Վիեննայում. նա էջմիածնա և Թիֆլիզի ազգային գործերի վիճակի հետ ծանոթ է և արժանի է ուշադրության:

Ես հեռագրով շնորհավորեցի վեհափառին, մատուցանելով իմ որդիական հարգանքս:

Երբ վեհափառը Թիֆլիզ հասնե, կմատուցվի նորան արքայական հրովարտակր և ճակատի աղամանդա խաչը, որը գնված է և շատ սիրուն է. կմատուցվի նույնպես և ս. Ալեքսանդր Նևսկու շքանշանը:

Ներփակյալ ուղարկում եմ Մատթեոս Ղամադյանի իմ գրած կենսագրությունը, որին Պոլսում շատ ճանաչողներ կան հին մարդիկներին:

Ձեր աղոթից ապաստան. Կար. Եղյան

6

25 մայիսի, 1893

Ս. Պ. Բուրդ

Արժանապատիվ հայր.

Ստացա Ձեր մարտ 17 թվով գրած նամակը: Ստացել եմ և մեր բարեկամի նամակներն, որոնց մի քանի օր առաջ պատասխանեցի:

Իմ ներկա խորհրդածությունաց առարկան վարժարանի համար անշարժ կայքերի գնման խնդիրն է, որի հաջողությունից կախում ունի վարժարանի ապագա բարօրությունը, ուստի և մեր բարեկամի նամակի մեջ կրկին այդ խնդրո մասին եմ խոսել, որովհետև երկյուղ կկրեմ, թե միգուցե կտակով որոշած ժամանակամիջոցը գլորի և մենք ոչինչ չկարողանանք անել:

Կխնդրեմ Ձեզ սրբազան պատրիարքի առանձին ուշադրությունը հրավիրել այդ գործի վերա և իմ խնդրս մատուցանել, որ շուտափույթ և առանց հապաղման ամեն միջոց գործ դնեն կալված գնելու կայսերական իրազե* ստանալու հաջողության համար: Այս մասին առանձին նամակով խնդրել եմ և Սիմեոն Պեյ Մաքսուդյանին:

Կխնդրեմ ևս սրբազան պատրիարքին, որ Սանասարյան վարժարանի տեղեկագիրը անհապաղ տպագրվի և տարածվի, որը հուսալի է, կփարատե շարամիտ մարդկանց տարածած լուրերը և ախորժ տպավորություն կգործե:

Որչափ ցավ կպատճառե ինձ ումանց անխոհեմ երիտասարդների վարմունքը, որոնք ավելի կոժվարեցնին ազգի վիճակը և թշնամիների փոխարեն այնպիսի անձանց վերա կհարձակվին, որոնք իրենց կյանքը նույն ազգի համար են մաշում:

Հուսամ ստացած կլինեք Գյուտ քահանայի նոր աշխատությունը (Սիմեոն Կաթողիկոսի հիշատակարանը)¹, հույս ունիմ, որ Ձեր արժանավոր ուշադրությունը չեք խնայիլ, որ թե այդ և թե Ալեքսանդր Նրիցյանի «էջմիածնի վերջին կաթողիկոսները»² աշխատությունը մրցանակի արժանի դատվին: Այս երկու աշխատությունն էլ ըստ իմ կարծյաց մեծ կարևորություն ունին և քաջալերանաց արժանի են, քանի որ առաջին օրինակներն են նույնաեման օգտավետ ուսումնասիրության ասպարեզում: Երանի, որ Պոլսո պատրիարքարանի դիվա-

* Հրամանագիր:

նի մեջ գտնված արձանագրութիւնները ևս մշակվին և հրատարակվին, մինչ անհետացած չեն:

Ձեր աղոթից ապաստան, խոնարհ որդի.

Կար. Եզլան

7

27 նոյեմբերի, 1895

Պ. Բուրգ

Արժանապատիւ Հայր.

Ձեր նոյեմբեր 11/23 թվով պատվական նամակը անկորուստ ստացաւ և ցավ և մըմունջ ի սիրտ կարդացի Տաճկաստանի այլ և այլ քաղաքներում եղած հայոց թշվառ զավակների կոտորածների եղկելի մանրամասնութիւնները:

Ուր ներմիա կամ ներսս Շնորհալի, որ ողբան զկործանումն հայոց ազգի, որ թեև հին դարերից իսկ շատ սովոր է «լալաց բանին», բայց այս անգամ ջարդը և սրածոութունքն պետք է ավելի սոսկալի համարել, քան թե այն, զորս կողբան մեր պատմաբանքը, զի դժբախտաբար մարդկութիւնը մեծ առաջադիմութիւն է արել կոտորելու զենքեր պատրաստելու մեջ...

Որչափ զոհ զնացին կոտորածների, գուցե կրկնակի թվով ավելի զոհ կերթան սովի և այլ պատահաբաներին, որովհետև կենդանի մնացածները տուն չունին, ապրուստ չունին, հաց չունին: Պետք է ջանալ, որքան հնարավոր է նյութական օգնութեամբ փրկել թշվառներին սովալլուկ մահից, ալլապես ցուրտ ձմեռը ավելի կնպաստե նոցա կոտորվելուն:

Ես ամենին խորհուրդ եմ տալիս իրանց նպաստները ուղղել պատրիարքարան, փոխանակ հանձնելու այլևայլ ժողովարարներին, որոնք շատացել են: Այդպէս, եղբայր ժամհարայանները՝ ուղարկեցին 20000 ֆր., նույնպէս և այլք: Այցանկամ իմանալ այդ մասին ունեցած Ձեր կարծիքը, որպէսզի ըստ այնմ գործեմ: Մանավանդ ինձ համար կարևոր է այդ, ի նկատի ունենալով Ձեր նամակի վերջին տողերը, ուր կգրեք, թե ուրիշ անգամվան կթողնուք ս. պատրիարքի «հեռատես գործունեութիւն» և «ազգի հույսերն արդարացրեց» պարբերութեանց մասին: Կխնդրեմ մտերմաբար ինձ հաղորդել Ձեր հայացքները այդ մասին:

Ձեր նամակից կտեղեկանամ, որ Սանասարյանի կտակի գործադրութեան տեղեկագիրը հասած է պատվելի խնամակալութեան անդամոց ձեռքը, իսկ ես կաղաչեմ պատվելի խնամակալութիւնեն կամ մեր բարեկամեն տեղեկութիւն, թե ինչ եղանակով հնարավոր է Արեւելքի², թե պատրիարքարանի միջոցով այդ տեղեկագիրը տարածել զավառների մեջ: Այդ նպատակի համար պատրաստ ունիմ հազար օրինակ, որ կարող եմ հասցնել ըստ պատկանելուն՝ տեղուղ տուսաց հնագիտական ճեմարանի միջնորդութեամբ:

Ձեռնալուով, թե ի՞նչ հասցեով կարելի է անկորուստ նամակ հասցնել Երուսաղեմի օգնական փոխանորդ հորը³, ներփակյալ ուղարկում եմ և խընդրում եմ զեպ եղած ժամանակ հանձնեք նորան:

Խնդրել էի մեր պատվական բարեկամից վարժարանի տպած տեղեկագրի⁴ մի քանի օրինակներ ուղարկել տալու՝ բարեկամաց բաժանելու համար. հուսամ, որ կպատվիրե ուղարկել. խնդրեմ խոնարհ ծառայութիւնս նորան մատուցանելու:

Մաղթելով Ձեզ առողջութիւն, մնամ Ձեր աղոթից ապաստան, խոնարհ որդի՝ Կար. Եզլան:

Ո՞վ է Արեւելքի մեջ Մագիստրոս անունով գրողը. լամբրֆոնացու՞ մասին ես միանգամայն համաձայն եմ նորան, և լամբրֆոնացու՞ մասին կարծիքս բացատրել եմ Դարդելի Հառաջաբանի⁵ մեջ:

Ե Ա Ն Ո Ք Ա Գ Ր Ո Ւ Ք Յ Ո Ւ Ն Ն Ե Ր

1

- 1 Նկատի ունի Ներսես Ե. Աշտարակեցի կաթողիկոսին (1843—1857)։
- 2 Գևորգ Ախվերդյան (1818—1861)—հայ բանասեր, բժիշկ։
- 3 Խոսրո Մատթեոս Ա Կոստանդնուպոլսեցի կաթողիկոսի (1858—1865) մասին է։
- 4 Նկատի ունի Գևորգ Դ Կոստանդնուպոլսեցի կաթողիկոսին (1866—1882)։
- 5 Թուրքական արքունիքը Մկրտիչ Խրիմյանին աքսորել էր Երուսաղեմ՝ նրան մեղադրելով հայկական շարժումներին ակտիվորեն մասնակցելու մեջ։
- 6 Դարբիկ Նորատունկյան (1859—1936)—պետական և հասարակական գործիչ, Թուրքիայի արտաքին գործերի և հանրային շինարարության մինիստր, հայկական բարեգործական մասնաճյուղի նախագահ (Կ. Պոլիս)։ պաշտոնաթող լինելով հաստատվել է Փարիզում։ Այնուհետև ակտիվորեն մասնակցել է ֆրանսահայ զազութի հասարակական և մշակութային կյանքին։

2

- 1 Նկատի ունի Ալեքսանդր III կայսրին (1881—1894)։
- 2 Խոսրո Կ. Պոլսի ռուսական դեսպանության մասին է։
- 3 Նկատի ունի Բեռլինի 1878 թ. դաշնագրությունը։
- 4 Մկրտիչ Սանասարյան (1818—1890)—հայ մեծահարուստ, որը Կ. Եղյանի խորհրդով 1886 թ. իր ամբողջ կարողությունը կտակել էր հայ հասարակությանը։ Կտակի գործադրության համաձայն մշակվում է հատուկ կանոնադրություն։ Մ. Սանասարյանի միջոցներով հիմնադրվում են Կարինի Սանասարյան վարժարանը, Խառակոնիս գյուղի Մարիամյան օրիորդաց դպրոցը, նըպաստներ են տրվում գրողների, խմբագիրների, ուսանողների, առանձին դպրոցների, զբաղարանների, գրքերի տպագրության և այլն։

3

- 1 Մեծահարուստ Հ. Իզմիրլյանի կտակի գործադրության նպատակով Կ. Պոլսում ստեղծվել էր հանձնաժողով, որը հիշյալ կտակի միջոցներով հայագիտական աշխատությունների մրցանակաբաշխություններ էր սահմանում։ Այդ հանձնաժողովը որոշ ժամանակ ղեկավարում էր Մ. Խրիմյանը։
- 2 Նկատի ունի նշանավոր հայագետ Նորայր Բյուզանդացուն (1845—1915)։ Նա մրցանակ է ստացել Կորյունի մասին գրած աշխատության համար։

4

- 1 Պետրոս Սիմոնյանց (1830—1911)—հրապարակախոս, մանկավարժ, խմբագրել է «Մեղու Հայաստանի» պարբերականը (1863—1886)։
- 2 Նահապետ վարդապետ Նահապետյան—էջմիածնի միաբանության անդամ, Գևորգյան ճեմարանի ուսուցիչ։
- 3 Գևորգ Եվանգելյան—իրավաբան, հասարակական և մշակութային գործիչ, Եղեղ է նաև Թիֆլիսի քաղաքապետը։
- 4 Նկատի ունի Գևորգ Դ կաթողիկոսին։
- 5 Խոսրո Մակար Ա (1882—1891) կաթողիկոսի մասին է։
- 6 Նկատի ունի Գարբիկ Նորատունկյանին։

5

- 1 Հստ սահմանված կարգի, ընտրված կաթողիկոսը պետք է էջմիածնի ժամանեի առանց ռուսական կառավարության կողմից հարուցված որևէ արգելքի։
- 2 Արզալ Հովհաննեսյան (1849—1904)—հրապարակախոս, տնտեսագետ, հասարակական գործիչ, խմբագրել է «Փարոս» և «Արձապանք» պարբերականները։

3 Կարապետ Կոստանյան (1849—1920)—հայազետ, մանկավարժ, եղել է էլմիաձնի Գևորգյան և Մոսկվայի Լազարյան ճեմարանների տեսուչ, ղրել է մի շարք աշխատություններ:

6

1 «Դիվան հայոց պատմության, Սիմեոն կաթողիկոսի Հիշատակարանը», հրատարակեց Գյուտ Աղանյանց, Ա. քահ., մասն 1—3, Թիֆլիս, 1894—18913:

2 «Ամենայն հայոց կաթողիկոսությունը և Կովկասի հայք 19-րդ դարում», աշխատասիրեց Ալեքսանդր Երիցյան, մասն Ա, Բ, Թիֆլիս, 1894, 1895:

7

1 Նկատի ունի մոսկվայարնակ մեծահարուստ Ժամհարյան եղբայրներին:

2 Խոսքը Կ. Պոլսում հրատարակվող «Արևելք» օրաթերթի (1884—1912) մասին է:

3 Նկատի ունի Սահակ եպիսկոպոս Խափայանին:

4 Խոսքը Սանասարյան վարժարանի հաշվետվության մասին է:

5 «Հովանու Դարդելի ժամանակագրություն հայոց», առաջաբան Կ. Եղյանի, Պետերբուրգ, 1891: